

# 救急良方

善書勸世匡正人心  
仁者購送一片誠心  
願齊向善挽回天心  
拆毀包物昧盡良心  
不看送人以表公心  
愛者受之銘感德心

諸君閱後不可  
展轉化導共趨  
贈者欣喜神靈  
天必默佑子孫

卯 9  
6



551  
619

民國壬戌仲秋月

# 救急經驗良方

上海宏大善書發行所刊



北京中醫藥大學圖書館藏  
2632

原序

夫病必延醫。醫則品藥以療之。固矣。然有時事出倉卒。命在頃臾。而不及延醫品藥者。是當求救急之法。與夫簡易之方。以起死回生。同登壽域。第恐臨事每難詳憶。治法而且弗暇。搜求良方。致多仰屋之嗟。束手之嘆。良足傷矣。爰輯救急簡要諸條。付剞劂。氏裝成小帙。俾資廣送。以備不虞。聊為濟世之一助云爾。

光緒辛巳仲冬三山鄒田氏識於粵東增江官廨

序

古云傳約不如傳方。故三山鄧田氏有救急良方之刻也。各方均皆應驗。治法亦極詳明。僕在僻壤窮鄉舟車之上。患起倉卒。能粗知文理之人。按病照方。治之無不效如桴鼓。余甲午春客游古岡西窗閒暇。檢閱是編。惜其板稍有模糊。久欲翻刻而未果。後得同事翁君應鼎侯官之茂才也。工於小楷。因請再繕。重付手民。并續刻婦科兒科瘡痢外科經驗諸方。以補不足。爰綴數語。聊誌梗概耳。光緒乙未仲秋會稽全城氏識於京江客次

序

古之扁鵲倉公。皆秘不傳方。誠重之也。自漢張長沙始有法有方。公之天下。至於偏僻之地。倉卒之間。延醫不及。若有應驗良方。能救重危於頃刻。豈不甚幸。余讀是編。見所列諸證。並所用各方。無不簡要精詳。固不悖乎古人。亦可裨於實用。因重付剞劂。以期普及。爰誌數語。庶免忽視云爾。民國九年歲次庚申京江黃氏伯符識於桐陰書舍

救急經驗良方目錄

救磁死

救喝死

救服鴉片烟膏毒

救斷腸草毒

解救百毒

蛇咬傷

白糖飲

救金刀傷

皮破筋斷

跌打吐血

金瘡奇驗續指

被毆傷風

金瘡鐵扇散方

止血補傷方

臨產六字真言

加味芎歸湯

生化湯

救溺死

救凍死

救砒霜毒

救鹽酒毒

治癩犬咬毒

救跌壓傷

救割頸斷喉

接骨法

止血法

跌打青腫

治男婦脚閃腫痛方

跌打當歸湯

七釐散方

治湯火傷

保產無憂方

佛手散

平胃散



南京中醫藥大學圖書館藏

華陀愈風散

通乳湯

血崩方

小兒初生再出痘方

治小兒舌黑腫方

小兒疳積雞肝藥

小兒腎囊忽然大腫方

誤吞金銀銅鉛等方

小兒慢驚風凡例

逐寒蕩驚湯

仙方痢疾散

痢疾奇效方

瘧疾半貝散

夾色各方

腳氣雞鳴散

治療癰核丸方

膿瘡白油膏

治發背毒癰方

當歸補血湯

胞衣不下驗方

小兒初生洗抹口方

預防小兒脾風方

小兒喉症水礪散

小兒夜啼方

小兒誤吞鐵器方

誤吞鐵針方

治慢驚風心得神方

加味理中地黃湯

萬應痢疾丸

噤口痢外治方

瘧疾外治皮膠膏

撞紅各方

療癰妙方

腋癰異方

霧寶膏

神驗疔毒丸



乳癰各方

神效瓜集散

解壳散

手指生蛇頭瘡

呂祖仙方

霍亂辨症

附愈病法

乳癰方

腳魚敷方

治乳癰潰爛方

霍亂用針立效方附註

獨聖散附益湯吐法

痧症各方

立止吐血方



南京中醫藥大學圖書館藏

救急經驗良方

竹梅居士選輯

救縊死

凡縊從早至夜。雖冷亦可救。從夜至早稍難。若心下溫。雖一日以上皆可救。不可割斷繩索。但緩緩抱住解下。安放平坦處。仰面朝上。頭要正。令一人踏其兩肩。以手緊提其髮。不可使頭垂下。一人微微捻整喉嚨。一人擦按心胸。又輕輕摩其肚腹。一人摩擦其手足。灣動之。若已直硬。但漸漸緩緩強屈之。又用手或腳裹衣。或用絲軟衣服緊塞鼻門。若係婦女連陰門亦須緊抵。不令洩氣。再用二人以筆管入耳內。不住口吹之。又用活雞冠血乘熱滴入口鼻之中。男左女右。男用雄。女用雌。如此一飯之久。即有氣從口出。仍不可鬆手。得呼吸眼開時。以官桂湯或淡姜湯清粥與食。令潤咽喉。漸漸能動乃止。若依此救法。多摸多吹。無不活者。勿謂身冷坐視不救。

官桂湯

唐陳皮八分。厚朴壹錢。肉桂五分。製半夏壹錢。乾姜叁分。

又法 緊用手磨其口。勿令通氣。兩時許氣急即活。

又法 炒鹽生鹽二大包。從頸喉熨至臍下。冷則隨換。不可住手。其痰盡下。並用人對口以氣灌之。

其活更快

救溺死

凡水溺一宿尚可救。活撈起時急急將口撬開。橫啣筷子一條。使可出水。以竹管之類吹其兩耳。碾生半夏末吹其鼻孔。又用皂角末置管中吹入穀道。或縣裏如係夏月。將溺人肚腹橫覆牛背之上。兩邊使人扶住。牽牛緩緩行動。則腹中之水自然從口中並大小便流出。再用生薑湯化蘇合丸。

輔灌之。或單用生薑汁灌之。並用生薑擦牙即活。若無活牛。則用大鍋一口。覆兩椀上。將溺人覆於鍋上。要將溺人臍對覆鍋臍。俯臥其上。以手扶其頭。使水順流而出。倘倉猝無鍋。取椀一條。將溺人俯臥其上。腳後稍高。水出即活。如係冬月。急將濕衣更換。一面炒鹽用布包熨臍。一面厚鋪被褥。取灶內不著草灰。多多鋪於被褥之上。令溺人覆臥於上。臍下墊以棉枕一個。仍以草灰將臍身厚蓋之。再加被褥。暑住。不可使灰暍於眼內。其撬口。啣灌蘇合丸。生薑湯。吹耳鼻。較道等事。均照夏天法。冬天暍醒後。宜少飲溫酒。夏天宜少飲湯粥。均不可用大烘。恐逼寒入內不救。倘溺人或微笑。必急掩其口鼻。如不掩住。則大笑不止。不可救矣。一見大亦必大笑而死。凡灌湯藥。亦不可太熱。必傷牙齒盡落。按灰性煖。而能拔水。以之救溺。最為捷效。遇蒼蠅溺死。以灰罨之。少刻即活。此明驗也。惟夏天則恐太煖。宜先打壁泥一堵。置於地上。將溺人仰臥其上。更以壁泥渾身覆之。止露口眼。自然水氣喻入泥間。其人遂甦。此與灰同法。雖已身僵氣絕。亦可救也。

又法。初救起時。尚有微氣。或胸前尚煖。速令生人脫貼身裡衣。為之更換。抱擔身上。將溺人微微倒側之。令其腹內水流。出若水往外流。即有生機。一面用粗紙捲條燒燃。取烟薰其鼻竅。不可以大烘之。稍薰片時。即用皂角研末。吹入鼻竅。但得微一噴嚏。即可得生。

救溺死。喝音謁。傷暑也。中熱也。

中喝不省人事者。與冷水飲即死。急扶陰涼處。取灶間微熱灰。壅之。再以布巾衣服等。蘸熱湯覆臍下。及氣海間。又以湯淋布帛。熨腹脇間。但暖則漸甦也。如倉猝無湯處。掘道上熱土。團臍端。令人便溺於中。又以尿淋布帛。熨之以代熱湯。亦可。姜湯童便。皆可灌之。活後再服解毒等藥。凡中暑如已迷悶。嚼大蒜一大瓣。冷水送下。如不能嚼。用水研灌之。立醒。渴甚路上。多茶水急嚼。

生葱二寸許和津同嚥可抵飲水二升

又方 生白礬為末每服壹錢不拘男婦用陰陽水調下各項痧症及受暑昏暈不醒者服之立可  
回生此物能升清降濁故奏效如神存心濟世者宜佩帶身旁或道路或深夜可當仙丹按陰陽  
水用開水冷水對沖便是

### 救凍死

冬月凍極之人及溺水者雖人事不知但胸前有微溫皆可救活倘或微笑必急掩其口鼻如不掩  
住則笑不止不可救矣亦勿驟令近火一見火必大笑而死

凍極四肢直口喙有微笑者用生半夏末如豆大入耳鼻內又用大鍋炒灰令煖以布包之熨心腹  
上冷則隨換再熨候目開以溫酒及清粥稍稍與吃不可太熱恐傷牙齒盡落救活後用生薑搗  
碎陳皮搗碎各等分水三碗煎至一碗溫服

### 救服鴉片烟膏毒

凡食生鴉片烟者急以活鴨血多多灌之即愈若身冷氣絕似乎已死但身體柔軟則臟腑經絡之  
氣尚在流通實未死也乃鴉片烈性醉迷之故耳將其人放潮濕陰地用筷子撬開牙齒或用磁  
調羹撬之或以烏梅擦腮邊均可開若用銅鐵等物則反不能開矣以筷子橫放口內使口常開  
以活鴨血或白糖調冷水時時灌之外用手帕二三條以冷水泡透放胸前輪流更換又用冷水  
一盆將頭髮解散放盆內時時換水切不可見太陽一見日照即不可救三四日後鴉片之氣散  
盡即活總之身未僵硬雖七日內亦可回生切不可以為無救即行棺殮此法曾救多人無論服  
毒輕重雖手足青黑照此救法無不活也切忌灌服醬油恐受鹽滷反致誤事若服藥雜亂亦不

可救慎之慎之。活後多服白沙糖調水。或生萊豆末調水最好。

又方 土膽礬末四錢。生甘草末三錢。上藥末加白蜜一兩。沖入開水大半碗。攪勻。扇涼灌服。吐盡即活。此方已救人無數。靈驗之至。

又方 南礬砂三錢。木香八分。右為極細末。用開水攤涼送下一錢。立即嘔吐。如逾一時不吐。再服一次。必效。此二方已救多人。只用一方。不必同服。無論服毒輕重。雖勢至危險。手足青黑。照此救治。無不回生。凡吞烟者。暫時不可飲熱湯物。過後不忌。

又方 木棉花。此木惟兩粵及交州有之。結子成棉形。如蘆花。可作枕作墊等用。非常製衣之料。花也。取淨花四錢。燒灰加鹽二錢。搗末。用開水大半杯沖下。以箸調勻。連灰帶湯服之。頃刻大吐而愈。若服毒已久。牙關緊閉。口流白涎。急照方沖湯。注於潔淨小茶壺。由茶壺嘴緩緩灌入病人鼻孔。即通咽喉到肚。再照方加服一劑。沉睡數時。腹有響動。即大瀉而愈。大抵服毒一二時者。毒在上焦。能坐立言語。其正氣尚旺。將此藥服下。毒從上吐出。若服毒至四五時者。毒已行下焦。不欲言語。沉睡。知其真氣已耗。須速服此藥。兩劑快則六個時辰。遲則十四個時辰之久。必從大便大瀉而出。但既服此藥。切勿另服他藥。及桐油。琉璣水。以阻隔之。則百發百中。真有起死回生之功。

此方并治誤吞水粉。野蕪諸毒。用木棉花四錢。燒灰搗末。沖開水灌下。自能大吐而愈。但救鴉片毒必須加鹽。救水粉野蕪不可加鹽。用時切記。

救砒霜毒。即信石也。

凡中砒霜毒者。以生防風壹兩。研末。冷水調服。或用四兩。泡冷水搗汁服。屢試皆驗。

又方 冷水調石膏。解砒霜毒如神。又法。無名異研末。冷水調下即活。

救斷腸草毒

此症治好須戒殺放生

此草有尖圓兩種。服尖葉者。不過一二日。肉即消化。急用活羊血灌一二碗即活。或服羊油二三兩。

亦效。此草惟羊食最肥。故羊血油最為神效。或用活白鴨血乘熱灌之亦效。

又方 有鮮薺菜時。搗碎絞汁。灌服即愈。如不信。將薺菜汁灑在斷腸草上。即萎黃而死。

救鹽酒毒

生豆腐漿冷服二三碗至驗。或用黃豆搗碎。沖冷水去渣服之。或用白沙糖五六兩。調水服均效。

解救百毒

凡食隔夜各物。及飲池塘井溝濁水。或中諸毒者。急於潔淨黃土地。挖三尺深。入水一桶攪動。澄少。

許。名曰地漿水。取飲數碗。能解百毒。愈後戒食鱔魚。

凡飲饌中毒。倉卒不知何物。急用生甘草式錢薺菜式錢煎湯。搗冷飲之。即活。見洗冤錄。

治癩狗咬毒

凡每年驚蟄後。桃花正開。蟲蛇出洞。霜降後。梅花正開。蟲蛇入洞。其出也必呼氣。其入也必吸氣。吐納之毒氣。常流於洞口。犬性喜嗅。或觸其毒。從口鼻吸入。遂病癩。春夏日為桃花癩。秋冬日為梅花癩。犬性義而善守。癩則不識人。不守家。頭硬頭低。耳垂尾。躡直向前行。不能返身。顧後。遇人見犬。不論生熟。無不亂咬。好犬被咬。亦觸毒而癩。若人不善避。或被咬。或啣衣。即觸毒氣。速則七日發作。緩則七日至百日。定必發作。猝病心腹疼痛。如刀割裂。神識不清。心煩意亂。自抓胸膺。嚼舌。嚙齒。甚至嚼衣吞瓦。慘狀難言。不過二三日即死。欲辨病症是否。但以葵扇先向病人重搗之。

如見風即身縮戰慄更鳴鑼聞聲即驚惕不安則中癩大毒無疑急用人參敗毒散加生地榆壹兩紫竹根一大握濃煎溫服孕婦不忌若病人牙關已閉以筷子撬開或打門牙急灌之一劑神清二劑而愈凡觸毒無論輕重服此藥後七日以生黃豆數粒嚼之若不嫌生欲吐如食熟豆是毒未盡須照方再服一劑至二七日仍以黃豆試之如口中作生氣令心惡欲吐則毒已盡不必服藥倘仍不嫌生欲吐三七日再服一劑服至三劑永保無患至驗好夫是否病癩亦照驗人之法若戰惕不安急於未發癩之先照方加烏藥一兩濃煎拌飯與食斷不至癩此方效驗如響斯應乞善士仁人廣為傳播庶病此者得救於萬死一生則幸甚方列於後

真紋黨

參錢

羌活

參錢

獨活

參錢

前胡

參錢

柴胡

參錢

茯苓

參錢

桔梗

參錢

錢甘草

參錢

生薑

參錢

生地榆

參錢

宣雨

紫竹根

切碎

大握

約重一兩

即紫竹之根頭

便

右約共十三樣濃煎溫服

凡被癩狗咬傷皮肉者急於無風處用冷茶銀針刮洗污血再用甜杏仁數兩去皮搗爛敷之服前湯藥萬無一失如被咬衣服未傷皮肉者不用敷愈後三月內戒食一切煎炒熱毒等物終身戒食牛犬等肉

蛇咬傷

凡遇毒蛇咬傷惡毒攻心半日必死急取竹桿烟筒內烟油又名烟屎其色如醬用冷水洗出飲一二碗受毒重者其味必甜而不辣以多飲為佳傷口痛甚者內有蛇牙多用烟油揉擦必出此為蛇咬第一仙方切不可疑而自誤

又方 雄黃精錢 吳茱萸錢 五靈脂二錢 川貝母三錢 威靈仙二錢 香白芷五錢 生甘草二錢

右藥淨水煎好。沖燒酒一杯溫服。將藥渣敷患處。留傷口出毒氣即愈。

### 救跌壓傷

凡跌壓傷重之人。口耳出血。昏暈不醒。只要身體尚軟。皆可救活。切忌人多嘈雜。只令親人扶而呼之。且就坐地上。緊為抱定。曲其手足。如和尚打坐樣。急以熱童便灌之。馬溺入妙。人溺亦可。須未食葱蒜而清利者。或白沙糖沖熱酒灌之。開水調之亦可。但能強灌一二杯。下得喉去便好。然後輕移於懷中。抱入室內。如前坐法。更以足抵緊裏門。若係婦女。連陰戶一併抵住。之用絲軟之物緊塞亦可。防其氣從下洩。以致不救。隨將窗櫺遮塞。以房中黑暗為妙。一面用四物湯加味煎服。藥熟傾入碗內。先承於傷者鼻下。使藥氣透入腹內。則不致入口惡逆。乘熱用小鍾強令頓服。如其不受。則姑緩少頃再進。只要陸續灌盡。不可使臥。其穀道尤須緊塞。不令透氣。如藥已行動。非至急不可即解。恐其氣脫而死。惟預備淨桶。必至腹中動而有聲。上下往來數次。急不可待。方可扶之使解。解時自閉口齒為妙。所下盡屬瘀紫。則毒已解。半方可令睡。倘瘀血未盡。須多服四物湯及白糖飲。至所下盡是黃方可止。然後次第調理。不可輕用補藥。

四物湯加減

當歸六錢 川芎一錢

炒白芍一錢

熟地黃二錢

紅花二錢

桃仁二錢

南山楂二錢

大黃二錢 童便一盃

如係夏月加黃連五分

以急流水煎服更妙。

### 白糖飲

凡跌打損傷。如已氣絕。牙關緊閉。先以生半夏研末。水調黃豆大塞鼻孔。男左女右。立能甦醒。醒後

鼻痛以老姜汁擦之即解。急用熱酒沖白沙糖二三兩灌入。不飲酒者開水調服亦可。愈多愈妙。無論受傷輕重服之可免瘀血攻心。或以熱童便灌之亦妙。

### 救割頸斷喉

凡割頸斷喉。急宜早救。遲則額冷氣絕。初割時輕輕扶住。令仰睡將頭墊起。合攏刀口。將血拭去。用大雄雞一隻。快手輕去其毛。生剝雞皮。乘熱貼傷口。內服白糖飲。自愈。愈後雞皮自落。

### 救金刃傷

殺傷內膜未損者。急用葱白放鍋內炒熟。遍敷傷處。冷則再換。雖已氣絕猶可救活。又許中丞用冷敷方。凡流血不止。用葱白搗爛敷三四次。即收口而愈。又搗爛葱白。熱敷皮肉青腫處。即止痛消腫散瘀。可見此方熱冷皆可。破與不破。均有效驗。且隨處俱有之物。簡便易行。而奏效甚速。當廣傳之。

又方 用堅實條炭二三寸。燒至紅透。入鐵臼內。或石臼中。加紅糖二三兩。搗至千杵如醬。凡遇致命重傷。尚存一息者。急將此藥敷於患處。再用或綢或布包裹。七日即愈。

又方 用生松香熟松香和勻敷之。或加半夏末亦可。此兩方俱軍營中救活多人。

### 接骨法

凡骨碎筋斷痛極者。先用鳳仙花根一寸。肥大者為佳。磨酒服之。則揉動不知痛。然後可用藥施治。方用五加皮四兩。雄雞一隻。黑骨者更妙。去毛連皮骨血。合五加皮搗爛敷患處。用布包裹。一周時揭去。不可太過。時內自完好。再用五加皮五兩。以酒濃煎。盡量飲醉。熟睡為妙。又接骨仙方 半兩錢。煎水服。次為度。自然銅。上川烏。透骨草。心為度。大歸尾。乳香。沒藥。

瓜兒血竭 以上七味各等分俱為極細末和極勻每服一分先令傷者飲無灰老酒至大半醉再將熱酒送藥嚥下微取汗睡醒即愈重者再進一服全愈酒量大者先飲燒酒至大半醉再用無灰老酒送藥可也傷處不可捆綁聽其自然愈後百日内切忌房事此方傳自異人專以濟世救人為本若圖利秘方索謝者不驗

皮破筋斷

方用金沸草根搗汁塗筋封二七日便可相續一次即愈不必再塗又方白膠香一味為細末敷之

止血法

瘦豬肉切薄片貼上無論傷口大小血流不止立效

跌打吐血

乾荷花荷葉亦可焙乾研末酒調服一日二三次數日即愈或多服白糖飲亦可

跌打青腫

壁魂生大黃用姜汁磨融敷之一夜紫者轉黑黑者即白矣一日一換其效如神

金瘡奇驗續指

方用 真降香切片火上炙去油荔枝核 血竭三味等分為細末敷患處雖斷指亦能續也

又方 真蘇木為極細末於斷指間接定外用蠶繭包縛牢固數日即如故亦治刀矢傷此少林接指方極簡易惟無蠶處須預購蠶繭

又方 老生姜嚼爛敷之舊棉包裹簡便神效不可以平淡而輕忽也

治男婦脚閃腫痛方

當歸尾錢製乳沒錢生白芥子一錢生半夏錢半肉桂子一錢白烏藥錢半正田七一錢共為細末用麝燒酒調乾濕得中敷患處用布包之即止痛消腫輕則一料重則兩料必愈此方藥味不多而活血散瘀行氣化痰無法不備并治折仰手腕閃跌腰骨數之均效但不可服以有生年夏故也

### 被毆傷風

此症每多致死急用荊芥五錢黃蜡五錢魚鰾五錢妙黃艾葉三片入無灰老酒一大碗煮一炷香久焚飲之汗出立愈惟百日內不得食雞肉至要至囑凡被毆後以傷風致死者倘在保辜限內於律不能不擬抵命此方救一命而活二命須廣傳之

### 跌打當歸湯

此湯專治跌打損傷未破口者功能散瘀活血雖已氣絕打去一牙灌之亦活此少林寺教師方也  
當歸五錢澤瀉五錢川芎三錢桃仁三錢紅花三錢丹皮三錢蘇木二錢右藥用酒水各一碗煎至八分溫服頭傷加藁本一錢手傷加桂枝尖一錢腰傷加杜仲一錢骨傷加白芥子一錢腳傷加牛膝一錢

### 金瘡鐵扇散方

象皮五錢切薄片用小鍋焙黃色以乾為度勿令焦黑龍骨五錢用上白者生研老材香一兩山陝等省多用松香黃蠟塗於棺內數十年後有遷葬者棺朽另易新棺其朽棺內之香蠟即謂之老材香東南各省無老材香即以數百年陳石灰一兩代之其效驗與老材香同松香一兩寸柏香一兩即松香中之黑色者與松香一同鎔化攪勻傾入冷水取出晾乾枯礬一兩將白